

2782

(Ք Ն Ն Ա Գ Ա Տ Ե Լ Ի)

# ԿԱՆՈՆԱԴՐՈՒԹԻՒՆ

Տ Փ Խ Ի Ս Ի Հ Ա Յ

ՔԱՀԱՆԱՆԵՐԻ ՄԻԱԲԱՆՈՒԹԵԱՆ

Բ. տպագրութիւն

Կ Ա Ձ Մ Ե Յ

Տիփսիսի առաջին մասի Գործակալ  
ԳՐԻԳՈՐ ԱԻԱԳ ՔԱՀԱՆԱՅ ՄԱՆԴԱԿՈՒՆԻ

206

Մ-25

Տ Փ Խ Ի Ս

Տպարան «Գումակներ»

1907



Типографія „Гуттенбергъ“

### ՅԱՌԱՋԱԲԱՆ

Արդարութեան վերայ հիմնուած բարեկարգութիւնը, Աստուածանից ճառագայթած արեւ է, երկնային ցօղ ու անձրեւ է՝ որ բոլորին համահաւասար բեղմնաւորում է, բարեղարգում է և երջանկացնում, ցաւօք սրտի պէտք է ասած, որ Տփլիսի Հայ քահանաներիս մեծամասնութիւնը զուրկ է այդ արդարութեան ցօղերի կենդանարար պարարտութիւնից, որովհետև անարդար բարեկարգութիւնը՝ քահանաներիս դիրքը մի այնպիսի վիճակների մէջ շփոթեցրել է, որ կենդանարար ցօղերի պարարտութիւնը բաժին ընկել է միմիայն մի կարգ քահանաների և դպիրների:

Ահա այն արդարութիւնը՝ որի բարեկարգ շաւիղներովն ենք յառաջ ընթանում, ահա այն արդարութիւնը՝ որին կոչում ենք արդարութիւն, ի՞նչ արդարութիւն, միթէ արդարութիւն է, որ քահանաներիս մեծամասնութիւնից մէկը տարեկան կատարում է մօտաւորապէս 100 օրէնք՝ մկրտութիւն, սլաակ և թաղումն, այս 100 օրէնքիցը առաւելն ստանում է 200 ռուբլի. ըստ որում, զրեթէ կէս մասիցն աւել ձրի է կատարում, աղքատ և չքաւորներ լինելու առթիւ, իսկ մի կարգ քահանաներից մէկը՝ օրինակի համար կատարում է մի թաղումն՝ և ստանում է 500—1000 ռուբլի, այս դեռ մի օրինակատարութիւնիցն է:

Միթէ արդարութիւն է, որ քահանաներիս մեծամասնութիւնը՝ շատ աշխատի՝ քիչ վարձատրուի, իսկ

փոքրամասնութիւնը քիչ աշխատի՝ շատ ու շատ վարձատրուի:

Միթէ արդարութիւն է, որ քահանաներիս մի-  
ծամասնութիւնը պարտքով ապրեն նկուղներում, իսկ  
փոքրամասնութիւնը բանկային հազարներով՝ պալատ-  
ներում և ամառանոցներում:

Հրապարակաւ եմ գրում, ես 31 տարի քահանա-  
յութեան պաշտօն վարող՝ աւագ քահանայս, եօթն ա-  
մեայ Տփիսիսի գործակալս՝ հանդերձ գործակալական  
ռճիկովս չեմ ստանում 200 տուն ծխերիցս տարեկան  
արդիւնք այնքան՝ որքան քաղաքիս մի կարգ քահանա-  
ների տիրացուներից մէկը. սա չեմ գրում ի լրոյ, և  
ոչ կարծիքով, այլ գրածս՝ աչքովս տեսել եմ, ակա՛նջ-  
ներովս լսել եմ, և հետաքրքրութեամբս ստուգել: Եթէ  
ես գործակալս այս օրին եմ, ի՞նչ օրի են լինելու  
պաշտօնակիցներիցս շատերը, նոյն և մեր դպիւնները:

Ի՞նչ արդարութիւն է, և ո՞վ կ'յօժարի արդար  
խղճով լսել ու տեսնել, որ մեզանից շատերը կրած  
աշխատանքների արդիւնքներից զրկւած՝ սգալի սրտով  
նստին ի լաց, իսկ միւս կարգը՝ հանգիստ միջոցաւ  
ոսկիները դիզած, լի համազամ կերակուրներով, ու-  
րախ սրտով, ծիծաղ երեսով նստին ի հաց: Իմաստունն  
ասում է «Զրկողին անհնարին է Աստուածանից ողոր-  
մութիւն գտնել, եթէ զրկանքը զրկուողին չ'զարձնէ»:

Ժողովուրդների Աչք համարուածներ, ժողովուրդ-  
ների կարող Անձեր, բաւական համարեցէք այսքան  
զրկանքը, սորա առաջն առնելու համար ուշադրութիւն  
դարձրէք. ահա արդարութեամբ պատրաստած կանո-  
նադրութեանս մի մի օրինակը ուղարկում եմ Ձեզ և  
խոնարհաբար խնդրում, որ ուշադրութեամբ կարդաք  
քննադատէք, աւելորդ կէտերը՝ վերցնէք, պակասը՝  
լրացնէք, իսկ եթէ սորան բաւական և գոհացուցիչ

գտնէք՝ այն ժամանակ, առանց բոլոր կորցնելու ոտքի  
կանգնեցէք, արդարութեան բարեկարգութեան գէժ  
գլուխ բարձրացնող անկուշտներին չթողնէք հրապա-  
րակ գալու և անիրաւութեամբ բարեկարգութիւնը  
խառնակելու, այլ ինքներդ եղէք Որդիք զօրութեան,  
ինքներդ եղէք այս գեղեցիկ ու արդար կանոնադրու-  
թեանը ձայն Բարձրացնողներ, և գործադրութեան վե-  
րայ դնելը յաջողացնող Մեծ Մարդ կոչուողներ:

Իսկ Դուք, ո՞ր թեմակալ բարձր Սրբազան Առաջ-  
նորդ Տէր-Գարեգին Արք-եպիսկոպոս Սաթուհեանց,  
արժանընտիր Ասպետ Կայսերական շքանշանի, Դուք,  
եթէ կամենում էք Ձեր յետեից մի լուսաւոր գիծ  
թողնել, ներբողներով փառաբանութեան յաղթա-  
նակ տանել, հազարաւոր բերաններից օրհնութեան և  
գովարանութեան ալէլուիաներ լսել, այսօրուանը՝ մի  
ձգէք վաղուեան, այսօր և եթ աշխարհականներից և  
հոգևորականներից խառն ժողովներ կազմեցէք, և այս  
նշանաւոր գործքը՝ ամենայն յաջողութեամբ ի կատար  
ածեցէք, այն ժամանակ կ'տեսնէք, որ արդարեւ մի մեծ  
գործք էք կատարել, մի մեծ գործք՝ որ քանի գնայ  
այնքան գեղեցկանալու է և կատարելագործուելու. և  
միշտ յիշեցնելու է Ձեր անկեղծութեամբ վերաբերուիլը  
այս Մեծ ու գեղեցիկ Գործքին:

Գործակալ Տփիսիսի

Գրիգոր աւագ քահանայ Մանդակունի

## 307-ԱԾ Ա.

Տիխիսի Հայ Եկեղեցիներ, ֆահանգներ սար-  
կաւագներ դպիրներ եւ սրաւցուններ.

## 1, Վանաց առաջ Եկեղեցի

1, Ղևոնդ առաջ քահանայ Խարազեանց

2, Եզնիկ առաջ քահանայ Երզնկեանց

3, Գիւտ առաջ քահանայ Աղանեանց

4, Գրիգոր քահանայ Խօջաւանքեանց

5, Գալուստ քահանայ Արուսեանց

1, Սարգիս սարկ. Ալիխանեանց

2, Սարգիս սարկ. Խուցեանց

## 2, Ծիրանաւոր Ուստատեղւոյ Եկեղեցի

6, Ղևոնդ քահանայ Տէր-Սարգսեանց

## 3, Սարբ Սարգիս

7, Կոստանդիանոս քահանայ Արարատեանց

8, Եզնիկ քահանայ Ալիաղեանց

## 4, Հրեշտակապետաց Եկեղեցի

9, Բարկէն քահանայ Տէր-Պաշտարեանց

## 5, Կարուղիկէ Ս. Աստուածածին

10, Ստեփաննոս առաջ քահ. Սամուէլեանց

- 11, Աշոտ քահանայ Թէմուրաղեանց
- 12, Գրիգոր քահանայ Կախոյեանց
- 13, Յովհաննէս քահանայ Ամիրխանեանց

6, Բեքդեհեմու Ս. Աստուածածին

- 14, Գրիգոր աւագ քահ. Տէր-Բարսեղեանց
- 15, Գէորգ քահանայ Մէհրաբեանց
- 16, Յովսէփ քահանայ Արուսեանց

7, Կոստանաց Ս. Ստեփանոս անապատ

- 17, Արսէն աւագ քահանայ Բագրատունի

8, Քարափի Ս. Յակովբ

- 18, Յովհաննէս քահանայ Պապովեանց
- » Օգնական Դեոնդ քահանայ Մեհրաբեանց

9, Մոդնեոյ Ս. Գեորգ

- 19, Սիմէօն աւագ քահանայ Չմշկեանց
- 20, Յովհաննէս քահանայ Տէր-Գրիգորեանց
- 21, Սահակ ագ քահանայ Սահակեանց
- 22, Վարդան քահանայ Տէր-Դեոնդեանց
- 3, Յակովբ սարկ. Պարոնեանց

10, Նորաշենու Ս. Աստուածածին

- 23, Գէորգ աւագ քահանայ Տէր-Տէրեանց
- 24, Դաւիթ քահանայ Գիրգիտեանց
- 25, Թադէոս քահանայ Երուանդեանց
- 26, Սարգիս աւագ քահանայ Շիօյեանց

11, Աւետեաց Ս. Աստուածածին

- 27, Գէորգ աւագ քահանայ Արուսեանց
- 28, Զաքարիա քահանայ Զարդեղեանց
- 29, Արշակ քահանայ Մինասեանց
- 30, Մեսրովբ քահանայ Տարիէլեանց

12, Ս. Նշան

- 31, Գրիգոր քահանայ Շերմազանեանց
- 32, Գարեգին քահանայ Առաքելեանց

13, Տափի-թաղի Ս. Գեորգ

- 33, Յովհաննէս աւագ քահ. Մարտիրոսեանց
- 34, Յովսէփ քահանայ Տէր Պետրոսեանց
- 4, Միքայէլ սար. Տէր-Յարութիւնեանց

14, Զրկինեանց ս. Կարապետ

- 35, Սիմէօն քահանայ Աբրահամեանց
- 36, Գրիգոր աւագ քահանայ Երզնկեանց

15, Վերայի ս. Խաչ

- 37, Գէորգ քահանայ Տէր-Աւետիսեանց
- » Օգնական Աւետիս ք. Տէր-Աւետիսեանց

16, Շամբոռեցւոց Ս. Աստուածածին

- 38, Համազասպ ա. քահ. Տէր-Յովհաննիսեանց
- 39, Շմաւոն քահանայ Տէր-Բարսեղեանց
- 5, Սարգիս սարկ. Իփակեանց

17, Զորաբաշի Ս. Գեորգ

- 40, Գրիգոր աւագ քահանայ Մանգակունի

18, Էջմիածնեցւոց Ա. Գեորգ

- 41, Ներսէս աւագ քահանայ Արովեանց
- 42, Բարսեղ քահանայ Տէր-Բարսեղեանց
- 43, Ղևոնդ քահանայ Մամիկոնեանց
- 6, Համբարձում սարկ. Քարիմեանց

19, Ա. Մինաս

- 44, Սարգիս աւագ քահանայ Իգիթեանց
- 45, Յարութիւն քահանայ Շախեանց

20, Նամանգական բանտի Ա. Վարդանանց Էկեղեցի

- 46, Գրիգորիս քահանայ Մատինեանց

21, Խօջիվանաց Ա. Աստուածածին

- 47, Բարդուղիմէոս ք. Տէր-Յարութիւնեանց

22, Նաւթուղի Ա. Գեորգ

- 48, Աղէքսանդր աւագ քահ. Վարդանեանց

23, Ա. Կարապետ

- 49, Գարրիէլ աւագ քահ. Տէր-Գարրիէլեանց
- 50, Գէորգ քահանայ Սաղոյեանց

24, Չուղուրեբոս Ա. Աստուածածին

- 51, Յովհաննէս քահանայ Իւզրաշեանց

25, Կուկիլոյ Ա. Աստուածածին

- 52, Աղէքսանդր քահ. Տէր-Յովհաննիսեանց

53, Գրիգոր քահ. Շահնաղարեանց  
7, Սարգիս սարկ. Օտեանց

26, Թանդոյեան Ա. Աստուածածին

- 54, Ներսէս աւագ քահանայ Համազեանց
- 55, Սահակ քահանայ Սահակեանց
- 56, Յարութիւն քահանայ Ճուղուրեանց

27, Ա. Գրիգոր Լուսաւորիք

57, Արշակ քահանայ Յարութիւնեանց

Դպիրներ եւ իրացուներ

- 1, Նիկողայոս Բաւէեանց (ուրարակիր)
- 2, Աւետիք Պապովեանց »
- 3, Յովհաննէս Համբարձումեան »
- 4, Զաքար Զաքարեանց »
- 5, Սարգիս Ասլամազեանց »
- 6, Մարտիրոս Սիմէօնեան »
- 7, Կարապետ Ղազարեանց »
- 8, Տիգրան Տէր-Դաւթեանց »
- 9, Արշակ Շխեանց
- 10, Սարգիս Սիրունեանց
- 11, Ղուկաս Ղուկասեանց
- 12, Յովհաննէս Գիրգիլեանց
- 13, Յովհաննէս Տ. Սարգսեանց
- 14, Գարրիէլ Կուրդանեանց
- 15, Գարեգին Սրուանձտեանց
- 16, Մարտիրոս Ռուշանեան
- 17, Խաչատուր Յարութիւնեանց
- 18, Բագրատ Երզնկեանց

- 19, Գէորգ Շերեանց
- 20, Մատթէոս Մարգարեան
- 21, Յարութիւն Բասեանց
- 22, Մկրտիչ Սողոմոնեանց
- 23, Ռուբէն Եղոյեանց

ՅՕԴՈՒԱԾ Բ.

Տի. Հայ Բանաւանների Միաբանութեան քիւր եւ  
ընտրութիւնը:

1, Տփիսիսի Հայ քահանաների Միաբանութեան  
թիւը՝ սահմանափակելու է 50 թուով, սարկաւազնե-  
րինը 12. Իսկ գլխիւներինը 38:

2, Տփիսիսի Հայ քահանաների Միաբանութեան  
որոշուած թուից աւելի ձեռնադրութեան հնարաւորու-  
թիւնը և տեղափոխութիւնը՝ իսպառ արգելուելու է:

3, Կենսաթոշակ ստացող և մեռած քահանաների  
բաց տեղերի թիւը լրացնուելու է նոր ձեռնադրուած  
քահանաներով երրորդ յօդուածի չորրորդ համարինա-  
խազծովը:

4, Որ և է եկեղեցում առ նուազն հինգ տարի ծա-  
ռայող տիրացուներին՝ ընտրելու է Ծխական ժողո-  
վուրդը և առաջարկելու քահանայական Ընդհանուր  
Ժողովին. Իսկ Ընդհանուր ժողովում ձայների առաւելու-  
թիւն ստացողը՝ Վարչական ժողովի միջոցաւ առաջար-  
կուելու է Վիճակային կոնսիստօրիային ընտրեալ տի-  
րացուի գործքին ընթացք տալու հոգևորականութեան  
մէջ ընդունելու համար:

5, Սարկաւազացուներին՝ միմիայն յօդուածիս  
չորրորդ համարի նախազծովը՝ ընտրուած գլխիւներից՝  
ընտրելու է քահանայական Ընդհանուր ժողովը և խո-

նարհարար առաջարկելու բարձր սրբազան թեմակալ  
Առաջնորդին՝ բաց տեղի վերայ սարկաւազ ձեռնադրելու:

ՅՕԴՈՒԱԾ Գ.

Տիփիսի Հայ Բանաւանների Միաբանութիւնը:

1, Տփիսիսի Հայ քահանաների Միաբանութիւնը  
ընդունելու է Տփիսիսի բոլոր Հայ ժողովրդին մի հա-  
մայնք, և Տփիսիսի բոլոր եկեղեցեաց քահանաներին  
հանգերձ սարկաւազներով և հոգևորականութեան մէջ  
ընդունված գլխիւներով մի միաբանութիւն:

2, Տփիսիսի Հայ քահանաների Միաբանութիւնը  
բոլոր աշխատանքը և վարձատրութիւնը աստիճանաբար  
հաւասարեցնելու է. այն է 1—25 տարի ծառայողին՝ հա-  
մահաւասար, 25-ից—35 տարի ծառայողին՝ համահա-  
ւասար, 35 տարին լրացնողին՝ ցմահ կենսաթոշակ:  
Սոյն կանոնը գործադրուելու է սարկաւազների և հո-  
գևորականութեան մէջ ընդունված գլխիւների վերա-  
բերութեամբ էլ. (Յօդ. ԺԺ): (գլխիւներ, պէտք է հաս-  
կանալ հոգևորականութեան մէջ օրինական կարգաւ ըն-  
դունվածները):

3, Տփիսիսի Հայ քահանաների Միաբանութիւնը՝  
մեռնող քահանային իւր հաշուով է թաղելու. այրին  
ստանալու է ցմահ ամսական, եթէ որրեքը փոքր են՝  
թէ ըստ նիւթականին և թէ ըստ բարոյականին  
խնամելու է մինչև 22 տարի հասակի հասնիլը՝ արա-  
կանի, և պսակը՝ իգականի:

4, Տփիսիսի Հայ քահանաների Միաբանութիւնը,  
եթէ քահանայի պէտք ունենայ, այս դէպքում քահա-  
նայական Ընդհանուր ժողովը՝ ծխականների ընտրած  
և սարկաւազ ձեռնադրուածներից ընտրելու է երեքին,

և նոցա խոնարհարար առաջարկելու է թէմակալ բարձր Սրբազան Առաջնորդի բարեհաճութեանը, և նա ըստ իւր ազատ ընտրութեան՝ նորանցից մէկին ձեռնադրելու է հանգուցեալ քահանայի բաց տեղի վերայ քահանայ:

5, Տփխիսի Հայ քահանաների Միաբանութիւնը ունենալու է մի զանաւանակաւ ժողով, որ քահանայապետական զանազանալերաւ արդիւնքները ստանալու է, և գանձապահի ձեռքով յանձնելու բանկը ի պահեստ և յաճումն. և մի վարչական ժողով, հսկելու բարեկարգութեանց, ստուգելու Գանձարանական ժողովի հաշիւները, գտնելու արդիւնքի աւելի յուսալի աղբիւրներ, և միշտ մտածելու քահանայական վիճակի լայն և ընդարձակ ապահովութիւնը և պատուի նախանձելի բարձրութիւնը:

### ՅՕԴՈՒԱԾ Դ.

#### Գանձարանական ժողով

1, Գանձարանական ժողովի անդամները ընտրելու է քահանայական Ընդհանուր ժողովը, եռամեայ ժամանակաւ, լրանալուց յետոյ՝ կարող են վերընտրուիլ:

2, Անդամները լինելու են երկու քահանայ և չորս աշխարհականներ:

3, Աշխարհականներն ստանալու են ամսական որոշ տոկոս ուճիկ. մկրտութեան, պսակի, թաղման և զերեզմանօրհնեաց արդիւնքներից:

4, Գանձարանական անդամներից մի քահանայ և երկու աշխարհական անդամները պարտաւոր են առաւօտեան ժամը 10-ից նիստ ունենալ մինչև ճաշու ժամը մէկը, իսկ ժամը մէկից մինչև երեկոյեան ժամը 6-ը

միւս կարգի մի քահանայ և երկու աշխարհական անդամները՝ շարունակ ամեն օր:

5, Գանձարանական ժողովի նիստերը լինելու են Կոնսիստորիայի սենեակներից մէկում, իւր բոլոր կահաւորութեամբ հանդերձ: Նորան կից լինելու է վարչական ժողովի սենեակը:

### ՅՕԴՈՒԱԾ Ե.

#### Գանձարանական ժողովի վերաբերութեամբ մի քանի կէտեր:

1, Գանձարանական և վարչական ժողովներն ունենալու են կնիք, մէջ տեղը բաց Աւետարան՝ խաչը գլխին, շուրջը «Տփ. Հ. Ք. միաբանութիւն. և տարեթիւը, այս կնիքը լինելու է վարչական ժողովի քարտուղարի մօտ:

2, Գանձարանական և վարչական ժողովների անդամների մէկի հիւանդութեան և կամ բացակայութեան ժամանակ, նորա անձնափոխանորդը կարող է փոխարինել՝ բացակայի բոլոր իրաւունքներով:

3, Գանձարանական ժողովի մթերած գումարը՝ յանձնելու է Պետական և կամ մասնաւոր բանկերը՝ որոշ ժամանակով:

4, Գանձարանական ժողովը՝ իւր մօտ պահելու է թէ աւել 100 ոտբլուց:

5, Գանձարանական ժողովը իւրաքանչիւր ամսաւերջին՝ հաշիւ տալու է վարչական ժողովին, իսկ տարուայ վերջը՝ քահանայական Ընդհանուր ժողովին:

ՅՕԴՈՒԱԾ 2.

Փանձաբանական ժողովի ունենալիք

1, Գանձաբանական ժողովն ունենալու է մի Գարտուղար և մի Գանձապահ. քաջանայական Ընդհանուր ժողովի ընտրութեամբ:

2, Գանձաբանական ժողովն ունենալու է երկու սպասաւոր, ուղարկելու կարգադրութեանց մասին տեղեկութիւն տալու քաջանաներին և այլոց:

3, Գանձաբանական ժողովն ունենալու է առանձին առանձին երեք կտրոնաւոր մատենաներ ծնելոց, պսակելոց և ննջեցելոց. այլ և մի մատենան՝ յուշարար, յայտնող յուղարկաւորութեանց մասնակցող քաջանաների հերթերը, օրինակ այս ինչ քաջանան՝ այս ինչ շաբաթում մասնակցել է այս ինչ յուղարկաւորութեանը, այժմ հերթը այս ինչ քաջանայինն է (յօդ. ք. համար 5): Եւ այսպէս ջանալու է ընդմիշտ աշխատանքի հաւասարութիւնը ճիշտ պահպանել՝ այլև ամեն տեսակ ծառայութեանց մէջ. միայն հիւանդը և բացական ազատ են, բացական կարող է յետոյ՝ իւր բաց թողածները լրացնել:

4, Գանձաբանական ժողովն ունենալու է մի դրամարկղ՝ մթերելու առձեռն ժողովուած գրամները:

5, Գանձաբանական ժողովի Գանձապահն էլ ունենալու է չորս առանձին առանձին մատենաներ ծնելոց, պսակելոց և ննջեցելոց, որոնց մէջ զատ զատ մուծելու է մուտքը այլև մի մատենան ընդհանուր մտից և ելից:

ՅՕԴՈՒԱԾ 3.

Միասկասարութեան արդիւնքի քանակութիւնը

1, Գանձաբանական ժողովը ծիսակատարութեանց արդիւնքների քանակութիւնը պէտք է խառն ժողովով որոշէ, որ ժողովուրդը իւր տալիքը գիտենայ և ըստ այնմ առանց սակարկութեան իւր տալիքը հատուցանէ:

2, Ժողովուրդը բաժանելու է զանազան դասակարգութեան, առաջին դասակարգութիւնը համարելու է չքաւորներին և աղքատներին, որոնց ծէսը կատարելու է ձրի, սակայն Ը-րդ յօդուածի ծրագրով:

3, Երկրորդ դասակարգութիւնից ստանալու է ծնելոց համար (.....) ուրբի, պսակելոց (.....) ուրբի և ննջելոց (.....) ուրբի:

4, Երրորդ դասակարգութիւնից ստանալու է ծնելոց համար (.....) ուրբի, պսակելոց (.....) ուրբի և ննջեցելոց (.....) ուրբի:

5, Չորրորդ դասակարգութիւնից ստացուելու է ծնելոց, պսակելոց և ննջեցելոց համար՝ նոցա կարողութեանցը և նոցա սրտերի ազնուութեանցը համաձայն՝ արդիւնք:

ՅՕԴՈՒԱԾ Ը.

Փանձաբանական ժողովի գործը

1, Գանձաբանի ժողովի անդամները իւրեանց քարտուղարովը և գանձապահովը ամեն օր նիստ են ունենալու, և լինելու են ազատ որ և է պաշտօն կատարելուց:

2, Գանձաբանական ժողովն մկրտութեան կնքահօրիցն ստանալու է կնքադրամը և յանձնելու գանձա-

պահին, որն անմիջապէս մուծելու է ծնելոց մատեանում, իսկ քարտուղարը նոյնպէս մուծելու է ծնելոց մատեանում, և կտրօնը կտրել և տալու է կնքահօրը, մկրտող քահանան կնքահօրիցը ստանալով կտրօնը՝ առանց որ և է՝ պատճառաբանութեան և պահանջման մկրտելու է երեխային և ըստ սովորականի՝ մուծելու չափաբերականում, մահակնուքներն ազատ են ձևակա-նութիւններից:

3, Գանձարանական ժողովն նոյնպէս ստանալու է պսակուող փեսայացուներից և հարսնացուներից պսակադրամը և յանձնելու գանձապահին, որ անմիջապէս մուծելու է պսակելոց մատեանում, իսկ քարտուղարը նոյնպէս մուծելու է պսակելոց մատեանում և կտրօնը կտրելու և տալու է փեսայացուին, օրինակատար քահանան կտրօնն ստանալով Ս. Պատարագից յետոյ անմիջապէս կատարելու է պսակը և մուծելու չափաբե-րականում:

4, Գանձարանական ժողովն ստանալու է ննջեցելոց անբիժքների, թաղմեկանների արդիւնքը, ստա-նալու է կողոպուտները և մոմերը (կողոպուտները և մոմերը վերածելու է դրամի) Ս. սեղանների մոմերը և շաքարները (շաքարները ամսավերջին հաւասար բա-ժանելու է քահանաներին, սարկաւագներին և դպիր-ներին), եօթը և քառասուն պատարագներին, հոգեհան-գիստներին, այլև յուղարկաւորութեանց մասնակցող քահանաների և երգեցիկ խմբի ստանալի արդիւնքները:

5, Գանձարանական ժողովը կարգապահական մա-տեանի ցուցման համաձայն գրելու է գործակալին, որ նա իւր սպասարի միջոցաւ յայտնէ նշանակւած հեր-թակալ քահանաներին և խմբին, որոնք առանց որ և է պատճառաբանութեանց անթերի կատարելու են կար-գադրուած պատուէրները:

ՅՕԴՈՒԱԾ Թ.

### Վարչական ժողով

1, Վարչական ժողովի անդամները լինելու են երեք քահանայ, մի սարկաւագ քարտուղար. և ունե-նալու են երկու սպասաւորներ:

2, Վարչական ժողովի անդամներն և քարտուղարը ընտրուելու են հանդերձ անձնափոխանորդներով ընդ-հանուր քահանայական ժողովից. եռամեայ ժամանա-կամիջոցաւ, ազատ ու և է ծառայութիւնից, ժամաճա-կին կարող են վերընտրուիլ, կնիքը՝ գանձարանական ժողովինն է լինելու:

3, Վարչական ժողովը իւրաքանչիւր ամսի վեր-ջին ստուգելու է գանձարանական ժողովի և գանձա-պահի հաշիւները:

4, Վարչական ժողովը ստուգելու է իւրաքանչիւր քահանայի յուղարկաւորութեանց մասնակցելու հեր-թակալութեան թուերը և աշխատանքների հաւասա-րութիւնը (յօդ. 2. 3):

5, Վարչական ժողովը աստիճանաբար տուգանքի է ենթարկելու զանցառու քահանաներին, սարկաւագ-ներին և դպիրներին. (յօդ. Ի. համար 3):

ՅՕԴՈՒԱԾ Ժ.

### Մ ե ո ե լ ո ղ

1, Վարչական ժողովը գերիզմանատունը բաժա-նելու է զանազան մասերի, և ամէն մի մասում նշա-նակելու է մի մի քահանայ և նոյն նշանակուած քա-հանան չէ ունենալու իրաւունք իւր համար մասնադրած

սահմանից անցնել մի ուրիշ քահանայի մասը:

2, Վարչական ժողովը գերեզմանօրհնեաց համար տպագրել տալու է կարտոնի փոքր տոմսակներ վերաները նշանակելու է 20 կոպէկանոցից սկսած 10 ռուբլանոց:

3, Վարչական ժողովը գերեզմանատան դռներում աջ ու ձախ կողմերումը դնել տալու է երկ երկու սեղաններ և նշանակուած մարդիկ տոմսերը վաճառելու են ներս մտնող ժողովուրդի վերայ. և գերեզմանօրհնէքից յետոյ վաճառուած տոմսերի դրամները անմիջապէս հաշուելու և յանձնելու են զանձարանական ժողովի զանձապահին հանդերձ ստորագրական թղթերով:

4, Տոմս գնող ժողովուրդը իւր կամեցած գերեզմանը օրհնել տալու է՝ և դրամի փոխարէն տոմսը յանձնելու է գերեզմանօրհնող քահանային:

5, Գերեզման օրհնելուց վերջը իւրաքանչիւր քահանայ վերդառնալով տուն, իւր տոմսերը զատելու է, յայտարարութեան մէջ իւրաքանչիւրը նշանակելու է և յանձնելու Վարչական ժողովին, որը համեմատելով գումարի հետ յանձնելու է զանձարանական ժողովին:

### ՅՕԴՈՒԱԾ ԺԱ.

#### Տ Ե Ր Ի Ն Ե Լ

1, Վարչական ժողովը, քաղաքը բաժանելու է զանազան մասերի և իւրաքանչիւր քահանայի յատկացնելու է սահմանափակ մի յայտնի մասն:

2, Քահանան ո՛ր և է պատճառաբանութեամբ չէ՛ ունենալու իրաւունք, իրան յատկացրած սահմանից անցնել մի ուրիշի մասը, տուն օրհնելու:

3, Վարչական ժողովը տպագրել տալու է չորս

վերջով աւել կամ պակաս երկարութեամբ և երեք վերջով լայնութեամբ տետրակներ՝ էլէքտրաքարշի տոմսակների տետրակների նման, վերից նշանակել տալու է 20 կոպէկից սկսած 25 ռուբլանոց և յանձնելու տուն օրհնող քահանային, և նա տնօրհնէքից ստացած դրամի համապատասխան տետրակիցը կտրելու է կտրոնը և յանձնելու տանտիրոջը՝ տիրացուի ներկայութեամբ:

4, Տուն օրհնող քահանան տետրակը ստորագրուած թեմաքանակու է և ապա գնալու և օրհնելու իւր համար որոշած քաղաքամասի տները:

5, Տուն օրհնող քահանաները տնօրհնէքից վերջը ստացած դրամները, կտրօնները արժատների հետ ըստուգելուց յետոյ, դրամները արժատների հետ յանձնելու են Վարչական ժողովին, և նա Գանձարանական ժողովի Գանձապահին:

### ՅՕԴՈՒԱԾ ԺԲ.

#### Արդիւնքների աղբիւրներ

1, Վարչական ժողովը ընդ միշտ աշխատելու է գտնել նորանոր արդիւնքների զանազան աղբիւրներ, ընտրելու է մի քանի եկեղեցիներ, նորանց տօնը կատարելու ամենաշքեղ հանդէսներով, օրինակ քաղաքիս Հաւլարարի մասում գտնուած ս. Գրիգոր Լուսաւորչի եկեղեցւոյ համար, Թէմակալ բարձր Սրբազան Առաջնորդի օգնութեամբ Մայր Աթոռից ս. Գրիգոր Լուսաւորչի մասից մի փոքր մասն բերել է տալու և ամեն տարի նորա երեք տօներին նախապէս նշանակուած քահանաներով նախատօնանք կատարելու. և հետեւալ օրը հանդէսը աւելի շքեղացնելու առթիւ, պատարագիչը Թէմակալ Առաջնորդն է լինելու. քարոզներ և ճա-

ներ են խօսելու և այսպէս երեկոյեան և հետեւալ օրերի վաճառուած մոմերի և խաչահամբուրի արդիւնքները յատկացնելու է Տփլիսի հայ քահանաների գանձարանին:

2, Վարչական ժողովը ունենալու է մի մեծ կրօնական կից մի որ և է եկեղեցւոյ՝ յարմարը Աւետեաց և Տփի - Թաղի եկեղեցիքն են, միմիայն այնտեղ վաճառել տալու է եկեղեցական պատկերներ, Աւետարաններ, Խաչեր, ջահեր, շամատաններ, շուրջառացուներ, շուրջառներ, սաղաւարտներ, վակասներ բուրվառներ, խաչուառներ և քոյններ, որոնց արդիւնքը յատկացնելու է քահանաների գանձարանին:

3, Խօշիվանաց պէս՝ Վերայի գերեզմանատան արդիւնքն էլ յատկացնելու է քահանաների գանձարանին: Այլև բոլոր եկեղեցիներում վերացնելու է գանձանակ շրջեցնելը՝ և նորա փոխանակ սեղանների վերայ դնելու է կնքած գանձանակաւորներ, վերաները գրուած «Ս. Պատարագի յիշմունքներ և գանձանակներ» որոնց մէջ գոյացած արդիւնքն էլ յատկացնելու է քահանաների գանձարանին:

4, Եկեղեցեաց տարեկան արդիւնքների ծախքը մուտքից հանելով, մնացորդ գումարը Թէմակալ բարձր սրբազան Առաջնորդի, ընդհանուր քահանաների և երէցփոխանների ժողովի խորհրդով կարգաւորուելու է, մի մասը տալ բանկը՝ եկեղեցեաց պէտքերի համար, մի մասը յատկացնել՝ կարօտ ուսումնարաններին, մի մասը յանձնել Կօնստնուպոլիսին՝ տարեկան գանազան ծուխուց համար. և մի մասը յատկացնել քահանաների գանձարանին, այլև քաղաքիս բոլոր եկեղեցեաց յանուն քահանաների կտակած և ամեն տեսակ բանկային տոմսերը և դրամները յատկացնուելու է Տփլիսի Հայ քահանաների գանձարանին:

5, Վարչական ժողովը Վանաց աւագ եկեղեցւոյ գաւթումը հանգուցեալ Գէորգ աւագ քահանայ Գալըստեանի ներած տանը և կամ մի որ և է եկեղեցւոյ յարմարաւոր սենեակներում բանալու է տպարան, և քահանաների անձեռնմխելի գումարներով բերել տալու նոր ձևի կտարեկագործուած մեքենաներ, տառերի արմատներ, ձուլարաններ և այլ հարկաւոր մանրամասնութիւնները, ապա վարձել վարպետներ և գրաշարներ և սկսել գործը, որի արդիւնքը յատկացնելու է Տփլիսի Հայ քահանաների գանձարանին:

ՅՕԴՈՒԱԾ ԺԳ.

Գովելի գործունէութիւններ

1, Վարչական ժողովը Վանաց աւագ եկեղեցւոյ գաւթի յանուն ընծայացուների՝ նախկին Առաջնորդ, այժմ էջմիածնի Ս. Սինօգի տեղակալ բարձր Սրբազան Գէորգ արքեպիսկոպոս Սուրէնեանի կառուցած սենեակներում բանալու է Գրագարան-ընթերցարան, որ միշտ բաց է լինելու, և քահանաները, սարկաւագները և դպիրները ընդմիշտ պարապ ժամերում յաճախելու են և կարդալու թէ լրագրներ, և թէ գրքեր, և բացի սորանից անելու են վարժութիւններ թէ քրդների և թէ հոգևոր ներկայացումների:

2, Վարչական ժողովը քահանաներից և դպիրներից կազմակերպելու է մի խումբ, տարուայ մէջ գտնել աւուուազն հոգևոր հինգ ներկայացումն տալու, որոնց արդիւնքը յատկացնելու է Տփլիսի Հայ քահանաների գանձարանին:

3, Վարչական ժողովը քահանաների աշխատասիրութիւնները տպագրելու է ձրի, և դրամի փոխարէն ստանալու է տպագրած գրքերի երրորդ մասը յօդուտ

Տփլիսի Հայ քահանաների գանձարանին:

4, Վարչական ժողովը քահանաներից, սարկաւազներից, այլև քահանաների, սարկաւազների և դպիրների որդիներից և որդեգրներից ուսումները կատարելագործել ցանկացողներին՝ գանձարանի հաշուով ուղարկելու է արտասահման:

5, Վարչական ժողովը օգնելու է քահանաների, սարկաւազների և դպիրների աղջիկների պսակի օժիտին և պսակմանը՝ սահմանափակ գրամով:

ՅՕԴՈՒԱԾ ԺԴ.

### Հրատարակութիւն

1, Վարչական ժողովը ջանալու է ստանալ իրաւունք մի շաբաթաթերթի հրատարակման, ի հաշիւ և յօգուտ գանձարանին:

2, Շաբաթաթերթի անունը կոչուելու է «Հայոց ս. Եկեղեցի»:

3, Շաբաթաթերթը հրատարակուելու է Տփլիսի քահանաների խմբագրութեամբ, որին աշխատակցելու են բոլոր ցանկացողները:

4, Շաբաթաթերթը լինելու է պատկերազարդ, և ամեն դուրս գալուն՝ պէտք է ունենայ առնուազն հինգ պատկեր. և պատկերները լինելու են Մայր Աթոռի, և զանազան տեսարանների, ուշակաւոր վանքերի, եկեղեցիների, ուսումնարանների, թագակիրների, կաթողիկոսների, յայտնի հոգեւորականների և մեծ մարդկանց:

5, Շաբաթաթերթի գինը լինելու է 10 ուրլի. արտասահմանում 12 ու., տասնեկերկու տարի շարունակ ստացող բաժանորդի լուսանկարը հրատարակուելու է շաբաթաթերթում:

ՅՕԴՈՒԱԾ ԺԵ.

### Նուէրներ եւ կսակներ

1, Եթէ մի բարեգործ մարդ և կամ մի կին կամենայ Տփլիսի Հայ քահանաների Միաբանութեան գանձարանին նուէր տալ 100 ուրլուց մինչև 1000 ուրլի. նուիրատուի նուէրը շնորհակալութեամբ կըտուպադուրի «Հայոց ս. Եկեղեցի» շաբաթաթերթում, և ամեն տարի նուիրման օրը կըյիշատակուի միևնոյն թերթում:

2, Եթէ մի բարեգործ մարդ և կամ մի կին, 5000 ուրլի նուիրէ Տփլիսի Հայ քահանաների Միաբանութեան գանձարանին, նրա կենսագրութիւնը կըհրատարակուի «Հայոց ս. Եկեղեցի» շաբաթաթերթում, և ամեն տարի նորա նուէրը կըյիշատակուի միևնոյն թերթում, այլև ս. Պատարագ կըմատուցուի. և նորա անունով քարոզներ և ճառախօսութիւններ կըլինեն:

3, Եթէ մի բարեգործ մարդ և կամ մի կին կամենայ 10,000 և աւելի ուրլի և կամ կալուածներ նուիրել Տփլիսի Հայ քահանաների Միաբանութեան գանձարանին. ամեն տարի նորա նուիրման և կամ նորա ծննդեան օրը մեծ և շքեղ հանդէս կըկատարուի. Ա, նուիրատուի կենսագրութիւնը և պատկերը կըհրատարակուի «Հայոց ս. Եկեղեցի» շաբաթաթերթում: Բ, նորա իւզաների պատկերը կըլինի Գանձարանական և Վարչական ժողովարաններում: Գ. նուիրման օրուայ կատարուելի հանդիսի մասին՝ ամեն տարի թէ «Հայոց ս. Եկեղեցի» շաբաթաթերթում և թէ բոլոր լրագրներում ծանուցում կըհրատարակուի: Եւ Դ, նուիրման և կամ նորա ծննդեան օրը՝ ս. Պատարագ կըմատուցուի և բոլոր քահանաների, սարկաւազների և դպիրների մաս-

նակցութեամբ շքեղաշուք «մաղթանք» կը կատարուի. քարոզներ և ճառախօսութիւններ կը լինեն. Հոգևոր ներկայացումներ կ'աւելան. որտեղ կ'ընեն ներկայացումներ նուիրատուի իւղաներկ մեծագիր պատկերը. և կը կարգացուի նուէրը:

4, Եթէ մի բարեգործ մարդ և կամ մի կին կը տակէ Տփլիսի Հայ քահանաների Միաբանութեան գանձարանին 100—1000 ռուբլի, առաջի համարի պատիւը կը բարձրի:

5, Եթէ մի բարեգործ մարդ և կամ մի կին կ'տակէ Տփլիսի Հայ քահանաների Միաբանութեան Գանձարանին 5000 ռուբլի, նորան յօդուածիս երկրորդ համարի պատիւը կ'աւելան, իսկ եթէ կ'տակէ 10,000 և աւելի ռուբլի և կամ կ'աւելածք, նորան կ'աւելան երրորդ համարի պատիւը ըստ մանրամասնութեամբ:

#### ՅՕԴՈՒԱԾ ԺԶ.

##### Վերահսկող Բանակայ

1, Գանձարանական և վարչական ժողովների անդամոց գործունէութեանց վերայ, Ընդհանուր քահանայական հաստատութեանց բարեկարգութեանց, եկեղեցեաց մաքրութեանց, քահանաների, սարկաւազների և դպիրների վարուց և շարժմանց վերայ լինելու է մի վերահսկող քահանայ:

2, Վերահսկող քահանան լինելու է խիստ, անկեղծ և նախանձախնդիր օրինաց պահպանութեան:

3, Վերահսկող քահանան՝ ազատ է լինելու որ և է պաշտօնից:

4, Վերահսկող քահանան միշտ ի ժամու և ի տարածմու շրջելու է, ազատ մուտ գործելու թէ երկու

ժողովներում, և թէ ամեն տեղ՝ ուր հոտ է բուրում հոգևորականի. սակայն հոգևոր իրաւունք միջամտելու, որ և է անձնաւորութեան սխալն ուղղելու, և գործունէութեանը՝ որ և է պաշտօնավարի:

5, Վերահսկող քահանան՝ միմիայն, կ'ազմելու է արձանագրութիւն, նկատելով ժողովների անդամոց թոյլ վերաբերմունքը իւրեանց պաշտամանց. և գարտուղների ընթացքը բարեկարգութեանց մէջ, և իւր միջերաժ արձանագրութիւնները կ'աւելու է Ընդհանուր ժողովներում. ուր ըստ արժանոյն խորհրդակցելուց յետոյ՝ որոշուելու է զանցառուների պատիժները տուգանքով:

#### ՅՕԴՈՒԱԾ ԺԷ.

##### Ընդհանուր ժողովներ

1, Ընդհանուր ժողովներ լինելու են տարին չորս անգամ, իսկ կարևոր դէպքում այլ և արտակարգ:

2 Ընդհանուր ժողովն ամէն տարի՝ Յունվարին, ընտրելու է իւր նախագահը և քարտուղարը:

3, Ընդհանուր ժողովի խորհրդածութեան նիւթերը նախագահը երեք օր առաջ գրաւոր յայտնելու է Տփլիսի քահանայական Միաբանութեան բոլոր անդամներին:

4, Տփլիսի Հայ քահանաների Միաբանութեան բոլոր անդամներն՝ ձայնի հաւասար իրաւունք են ունենալու. ձայների հաւասար դէպքում՝ գերակշռութիւնը նախագահի կողմն է լինելու:

5, Ժողովից բացակայ անդամը՝ չէ կարող իւր ձայնը ուրիշի տալ և ոչ թղթով:

ՅՕԴՈՒԱԾ ԺԸ.

Բարեկարգումներ

Վարչական ժողովը Տփլիսի բոլոր հայ քահանաներին ընդունելով իբրև մի եկեղեցւոյ միաբանութիւն և համարելով իբրև մի տան որդիներ, իւրաքանչիւրի համար որոշելու է համահաւասար աշխատանք, և իւրաքանչիւրին էլ վարձատրելու է մի միայն քահանայական գանձարանից, ուստի ոմանց տալու է ուսուցչութեան պաշտօն՝ որ աւելի տիրապետեն ուսուցչութեանը, ոմանց քարոզչութեան, ոմանց ծխակատարութեանց, մկրտել պսակել, թաղել, ժամասել, պատարաւներ մատուցանել և մասնակցել յուղարկաւորութեանց, հոգեհանգիստներին և անբիժքներին. և ոմանց գործակալութեան և այլ պաշտօններ:

2, Վարչական ժողովն որոշելու է օրինակատարութեանց ժամանակամիջոցը առաւօտեան ժամը 9-ից սկսած երեկոյեան ժամը 6-ը կատարուելու են թէ մկրտութիւնները, թէ պսակները և թէ նշնցեալները:

3, Վարչական ժողովը՝ ցանկութիւն յայտնող քահանաներին բնակեցնելու է եկեղեցապատկան տներում ձրի:

4, Վարչական ժողովը վերացնելու է տուն փաւրտելու աւելորդ սովորութիւնը, նոյնպէս քելէխը և նշնցեցելոց տիրոջը համոզելու է, որ քելիսի վերայ անելի ծախուց՝ եթէ ոչ ամբողջը, գոնէ կէսը նուիրէ աղքատախնամ ճաշարաններին և կարօտ ուսումնարաններին:

5, Վարչական ժողովը մտածելու է ընդ միշտ բերեկարգել քահանայական դասը, և նորա լի ու լի ապահովութեան համար, և ապահովութիւնը հաստատ հի-

մունքի վերայ դնելու համար՝ անդադար հետուն և հետուն մտածելու է:

ՅՕԴՈՒԱԾ ԺԹ.

Ամսականների բաժանումը

1, Ամսականների քանակութիւնը՝ որոշելու է Ընդհանուր ժողովը և բաժանելու է ընդ միշտ ամսի 25-ին. (յօդ. Գ. համար 2):

2, Մի տարուայ ձեռնադրուած քահանան մինչև 25 տարին ստանալու է մի որոշ քանակութեամբ ուճիկ:

3, Քսանհէինդ տարին լրացրած քահանան մինչև 35 տարին ստանալու է մի որոշ քանակութիւն ամբ ուճիկ:

4, Երեսուն և հինգ տարի լրիւ քահանայական պաշտօն վարող քահանան՝ ստանալու է ցմահ կենսութօշակ:

5, Սարկաւազների և դպիրների համար էլ պէտք է այս կարգը գործ դնել, իւրեանց համար որոշած ուճիկների քանակութեանցը համաձայն:

ՅՕԴՈՒԱԾ Ի.

Պատ Էւ հաստատութիւն կանոնադրութեան

1, Վարչական ժողովը քահանաների միմեանց և կամ ժողովրդեան հետ պատահած անբաւականութիւնները քննելու է և ջանալու տալ բաւականութիւն:

2, Վարչական ժողովը քահանայի կամ մի որ և է սարկաւազի և դպրի դատը պաշտպանելու է թէ հոգեոր և թէ քաղաքական դատարաններում ի հաշիւ գանձարանի:





